

四庫全書

經部

欽定四庫全書

經部

唐韻正卷二十九

詳校官監察御史<sub>臣</sub>施朝幹

洗馬<sub>臣</sub>王坦修覆勘

總校官編修<sub>臣</sub>王燕緒

校對官典簿<sub>臣</sub>汪日贊

謄錄監生<sub>臣</sub>洪策

欽定四庫全書

唐韻正卷十九

崑山顧炎武撰

入聲

二十一麥

此韻當分爲二

麥 莫獲切 當作莫畫

詩桑中二章爰采麥矣沫之北矣云誰之思美孟弋  
矣 載馳四章我行其野芄芃其來控于大邦誰因  
誰極 丘中有麻二章丘中有麥彼畱子國彼畱子  
國將其來食 碩鼠二章碩鼠碩鼠無食我麥三歲

賈女莫我肯德逝將去女適彼樂國樂國樂國爰得我直閼宮見福字下易林離之蠱早霜晚雪傷害禾麥損功棄力饑無所食白虎通閼風至生齊麥不周風至蟄蟲匿魏章鉉序志賦奉過庭之明訓納微躬於軌則勉四民之耕耘遂能辨乎菽麥自麥字以下竝讀如今音古人與職德同用去聲則莫卦反楊慎曰范文正公安撫江淮進民間所食烏昧艸乞宣示六宮傳諸戚里以抑奢侈烏昧艸即今野燕麥也淮南謂麥曰昧故史從音爲文

脉

素問移精變氣論治之要極無失色脉用之不惑治之大則逆從到行標本不得亡神失國疏五過論嘗富大傷斬筋絕脉身體復行令澤不息張詠曰說文正作衄籀文作脉與正文反重文作脉俗作脉

永卽辰之反遞謠也

畫

胡麥切

去聲則胡卦反 史記秦始皇紀琅邪臺刻石文憂  
恤黔首朝夕不懈除疑定法咸知所辟方伯分職諸  
治經易舉錯必當莫不如畫 今此字兩收於十五  
卦二十一麥部中 先儒以此字為圖畫之畫則去  
聲為計畫之畫則入聲然秦始皇琅邪臺刻石文此  
計畫之畫也而讀作去聲漢傳毅七激紅顏呈素娥  
眉不畫脣不施朱髮不加澤晉左思嬌女詩其妙字  
蕙芳兩目燦如畫輕粧喜樓邊臨鏡忘紡績此圖畫  
之畫也而讀作入聲正作畫俗省作畫 史記建元  
以來戾者年表畫清戾參索隱曰畫音獲又音乎卦  
反今畫字在去聲十五卦部而此韻不收

巾

古獲切

當作古畫

去聲則古對反

今此字兩收於十八隊二十一麥

部中

讖

詩泮水五章穆穆魯侯敬明其德既作泮宮淮夷攸服矯矯虎臣在泮獻讖

讖

去聲同上

說文讖从言讖聲

辟

博厄切

去聲則蒲計反

今此字兩收於十二霽二十一麥

部中

責 側革切

去聲則側賣反 左傳僖十五年西鄰責言責側介  
反又如字昭二十年薄斂已責本又作債同 管子  
苟從責者責讀爲債 說文漬漬皆以責得聲

嘖

同上 太玄經玄瑩陰陽所以抽嘖也從橫所以瑩  
理也明晦所以昭事也 張昭曰嘖即嘖之俗改今  
分爲二字

簣

詩淇奥三章瞻彼淇奥蒹竹如簣有匪君子如金如  
錫如圭如璧

上聲則音姪

晉語解第筭也

卷十九

債

去聲則側賣反

今此字兩收於十五卦二十一麥

繡

呼麥切

去聲則胡卦反  
戶卦反又胡麥反

周禮銜枚氏註爲之繡結於項繡  
今此字兩收於十五卦二十一

麥部中

核

下革切

平聲則音孩  
菱字也

漢書五行志孕毓根核師古曰核亦



上聲則音亥 說文核从木亥聲 釋名亥核也 收  
藏百物核取其好惡真偽也 亦言物成皆堅核也  
莊子方且爲物絃徐邈音下革反今絃字在十六咭  
韻

𪔐

古核切

去聲則古薤反 水經注清河又東北逕界城亭東  
水上有大梁謂之界城橋世謂之𪔐城橋

譚

同上 說文譚从言革聲讀若戒

革

易鼎九三鼎耳革其行塞雉膏不食 詩羔羊二章  
羔羊之革素絲五絨委蛇委蛇自公退食 采芑首

章乘其四騏四騏翼翼路車有奭簟茀魚服鉤膺降  
革斯于四章如歧斯翼翼如矢斯棘如鳥斯革皇  
矣七章帝謂文王予懷明德不大聲以色不長夏以  
革不識不知順帝之則易乾文言或躍在淵乾道  
乃革飛龍在天乃位乎天德亢龍有悔與時偕極乾  
元用九乃見天則革彖傳革水火相息二女同居  
其志不相得曰革史記秦始皇紀琅邪臺刻石文  
節事以時諸產繁殖黔首安寧不用兵革漢書禮  
樂志安世房中歌見福字下嚴忌哀時命崑路襍  
於廢蒸兮機蓬天以射革負擔荷以丈尺兮欲伸要  
而不可得外迫脅於機辟兮上牽聯於矰雉有傾側  
而不容兮固陋腹而不得息東方朔七諫棄彭咸  
之娛樂兮滅巧倖之繩墨崑路襍於叢蒸兮機蓬天  
以射革駕蹇驢而無策兮又何路之能極以直鍼而  
為釣兮又何魚之能得參同契或興太平或造兵  
革四者之來由乎宵臆晉左思魏都賦改正朔易

服色繼絕世修廢職徽幟以變器械以革顯仁翌明  
藏用玄默陳第曰革音棘說文急也本作鞮从革  
巫聲徐曰束物之急莫若革今文省作革禮記檀弓  
曾元曰夫子之病革矣慶遺入請曰子之疾革矣公  
曰若疾革雖當祭必告竝音紀力反禮器引詩匪  
棘其欲作匪革其猶列子湯問於夏革莊子作棘  
論語棘子成漢書古今人表作革子成三國志秦  
宓傳亦作革子成漢書功臣表賁棗侯革朱史記  
索隱曰革音棘棘姓蓋子成之後

摘 陟革切

去聲則陟志反 說文摘从手啻聲

謫

同上 說文謫从言啻聲

謫

詩北門二章王事適我政事一埤益我我入自外室  
人交偏謫我

去聲則陟志反 亦作適詩殷武三章天命多辟設  
都于禹之績歲事來辟勿子禍適稼穡匪懈 禮記  
註解者適也

厄 於革切

詩韓奕二章鄴韞淺懺條革金厄

摭

阨

詩南山箋彭生乘公而搯殺之搯於革反沈音烏詣反公羊僖元年傳桓公召而搯殺之搯一本作搯

去聲則音隘 史記律書擁兵阻阨音乙賣反今此字兩收於十五卦二十一麥部中卦部註云與隘同 亦作阨漢崔瑗司隸校尉箴大漢通變崇弘簡易舂舟之網以濟難阨 釋名縊阨也 儀禮士昏禮註隨入為門中阨狹阨音於賣反 左傳襄十四年註吳險阨之道阨音於賣反 昭元年所遇又阨阨本又作隘 定四年還塞大隧直轅冥阨阨於懈反本又作隘墨子作冥隘戰國策作郢隘史記春申君傳作龜隘 禮記禮器君子以為隘矣隘本又作阨於賣反 戰國策三國隘秦寡人不與聞焉是以隘之註隘阨字通 陳莊子久病長阨而不死者也阨音厄又烏賣反 陳蔡之隘隘音厄又於懈反 處

寤閭阮巷阮音於懈反晉書溫嶠傳祖約情性褊  
阮謝石傳王恭自陳褊阮苻堅載記幽州褊阮竝音  
烏懈反宋書苻瑞志引詩寘之隘巷作棄之阮巷  
文選左思吳都賦邦有湫阮而踈跼阮音烏介反  
魏都賦由重山之東阮音烏介反班彪北征  
賦罹填塞之阮災阮音烏戒反成公綏嘯賦峽世  
路之阮僻阮音於界反按古人阮字多有作隘者  
戰國策若自在隘窘之中新序常思困隘之時漢劉  
歆遂初賦晉仲尼之淑聖兮竟隘窮乎蔡陳蔡邕述  
征賦過漢祖之所隘弔紀信於滎陽竝是阮字

藹五革切

詩防有鵲巢二章中唐有甕卯有旨藹誰儔予美心  
焉惕惕今此字兩收於二十一麥二十三錫部中  
以上字轉去聲則入寘卦韻

獲

胡麥切

古音胡郭反詩駟驥二章奉時辰牡辰牡孔碩公  
曰左之舍拔則獲巧言四章奕奕寢廟君子作之  
秩秩大猷聖人莫之他人有心予忖度之躍躍覓免  
遇犬獲之皇矣桑柔竝見赫字下泮水見逆字  
下楚辭九章抽思善不由外來兮名不可以虛作  
孰無施而有報兮孰不實而有獲史記龜策傳見  
陌字下漢張衡西京賦若夫游鵲高輦絕阮踰斤  
覓免聯猿陵巒超壑比諸東郭莫之能獲魏阮籍  
通易論李葉既衰非謀之獲應運順天不妄而作  
去聲則音護詩楚茨見度字下荀子議兵篇不  
殺老弱不獵禾稼服者不禽格者不赦犇命者不獲  
漢司馬相如上林賦務在獨樂不顧衆庶忘國家  
之政貪雉兔之獲揚雄羽獵賦見去聲脰字下  
長揚賦蹂踐芻蕘誇詡衆庶盛抗攬之收多麋鹿之

獲 班固西都賦見棚字下 張衡西京賦見斤字  
下 周禮司常凡射其獲旌獲李一音胡霸反 儀  
禮大射禮獲者興註古文獲皆作護非也 蓋音之訛  
禮記曲禮毋固獲徐云鄭音橫霸反一音護 淮  
南子兵略訓不獲五度註獲誤也

獲

古音同上 今此字三收於十八藥二十陌二十一

昨

麥部中  
士革切

古音在各反 今此字三收於十九鐸二十一麥二

昨

十二咍部中  
側革切



古音作

上聲則音祖

太玄經樂次三不宴不雅噪呱啞咋

號咷倚戶

去聲則側故反

左傳定八年桓子咋謂林楚咋音

仕詐反

今此字三收於四十禡二十陌二十一麥

部中

啞

於革切

見上聲三十五馬韻

索

山責切

古音蘇各反 今此字兩收於二十陌二十一麥部  
中註云又蘇各切而十九鐸部不收

索

古音同上 今此字三收於十九鐸二十陌二十一麥部中

𧇖

古音許脚反 今此字兩收於二十陌二十一麥部中

𧇖

古音朔 去聲則音訴 公羊宣六年傳靈公望見趙盾𧇖而再拜𧇖所革反又所路反 易履九四𧇖𧇖終吉舊讀爲山革反然字本從朔即入聲亦當音朔 今此字兩收於十一暮二十一麥部中 以上字轉去聲則入御遇暮韻

𧇖 下革切

去聲則下教反 說文覈从西敦聲 當改入藥韻

繳

見藥韻當併入

二十二咎

此韻當分爲二

咎

思積切

古音鵠 詩那庸鼓有數萬舞有奕我有嘉客亦不  
夷憚自古在昔先民有作溫恭朝夕執事有恪 楚  
辭大招見客字下 晉左思蜀都賦見魄字下 魏  
都賦見白字下 詠史詩見宅字下 左貴嬪武元

楊皇后誅見下

陸雲逸民賦見澤字下

逸民箴

見下

陳第曰音錯考工記弓人老牛之角紆而

簪鄭司農云簪讀爲交錯之錯

說文楷醋錯厝斲

磻磻皆以簪得聲

膳

古音同上

上聲則思古反

漢書楊王孫傳見惇字下

湯

古音同上

周禮艸人鹹湯用𧄢湯音皆又音鵲

鴛

古音同上

詩車攻四章駕彼四牡四牡奕奕赤芾

金鴛會同有繹

閼宮見柏字下

太玄經逃次二

心惕惕足金。罵不志溝壑。晉陸雲逸民箴自古在。  
管逸民有作相彼宇宙方之。委罵夫豈不休而好是。  
冲漠。說文。罵。離也。離即鵲字。

# 惜

古音同上。易林比之豐李耳素鵲更逢恐惜擾余。  
以腹不能舉格。魏文帝陌上桑見陌字下。陳思  
王贈丁儀詩見客字下。晉傅咸汙庖賦猥陷身於  
醜穢豈厥美之不惜與觴杓之長辭曾瓦匱之不若。  
陸雲牛責季友文嗟乎季友盛時可惜迨良期於  
風柔競悲飈於葉落陳謹言於洪範圖遺形於霄閣。  
使景絕而音流芬身存而榮赫奕子如不能建功以  
及時予請迹於桃林之薄。晉子夜歌念愛情慊慊  
顛倒無所惜重簾持自鄣誰知許厚薄。

迹 資 督 切

古音資 鵲反 史記太史公自序桀紂失其道而湯武作周失其道而春秋作秦失其政而陳涉發迹 晉梅陶怨詩行見客字下

踏

古音同上 今此字兩收於十八藥二十二咍部中去聲則資祚反 詩楚茨見度字下

偕

古音同上

今此字兩收於四十禡二十二咍部中竝註云假偕左傳襄四年寡君是以願偕助焉偕音子亦反十九年計功則偕人也偕一音精亦反 史記周本紀秦偕

道兩周之間將以伐韓周恐僭之畏於韓不僭畏於秦正義曰上僭音精夕反下音子夜反文選楊修荅臨淄侯牋若成誦在心僭書於手李善音即又如鹽鐵論綦下不僭鞮鞮革舄宋謝靈運山居賦夏涼寒燠隨時取適階基回互櫟櫟乘隔此馬卜寢散水弄石通即回眺終歲罔斃傷美物之遂化怨浮齡之如僭眇邈逸於人羣長寄心於雲霓唐李白日夕山中懷詩久卧名山雲遂爲名山客山深雲更好賞弄終日夕月銜樓間峰泉漱階下石素心自此得真趣非外僭杜甫鄭典設自施州歸詩倒屣喜旋歸盡地求所歷乃聞風土質又重田疇關刺史侶寇恂列郡宜競僭正用入聲韻字元稹寄吳士矩端公詩百萬時可贏十千良易僭自註音資皆切自宋人刪去此字後人不知僭之音迹而妄改李詩爲非外僭則不通矣亦作籍史記季布傳少年多時時竊籍其名以行索隱曰籍音子亦反





古音同上

詩駒見上

泮水見逆字下

那見上

漢枚乘七發誠必不悔決絕以諾貞信之色形于

金石高歌陳唱萬歲無數

去聲則音妒

詩葛覃見絺字下

振驚見去聲夜

字下

書洪範彝倫攸斁音多路反徐音同路反

今此字三收於十一暮二十二咎部中

# 掖

古音同上

去聲則音夜

戰國策益封安平君以夜邑萬戶漢

書地理志作掖

史記高祖功臣侯年表索隱曰楚

漢春秋云夜侯蟲達夜縣屬東萊

後漢書儒林傳

歐陽歙封夜侯

註云今萊州掖縣

今萊州府掖縣

尚讀爲夜

漢謁者景君碑陰題名弟子山陽湖陸

董奮字元夜夜即掖字

說文掖从手夜聲

奕

古音同上 詩閔宮見柏字下 那見上 晉左思

吳都賦見白字下 陸機七徵豐屋華殿奇構磊落

萬宇雲覆千楹林錯仰綏瑰木俯積瑛石數延表之  
廣廡矯陵霄之高閣秀清暉乎雲表騰藻蔭之奕奕

陸雲祖考頌猗與盛興卽侯有作我考纂戎爰究

爰度遠除尋軌崇基式廓昭明有家祖廟奕奕喜

霽賦見下 牛青季友文見上 陸沖風賦若乃祝

融司節炎精赫奕欽朱脣而長嘯承音響而來薄猥

煥熠以盈靡冽纏繇以結幕九域蕩搖區宇揮霍

蔡洪圍棋賦然後枕以大羅繕以城郭綴以懸險經

以絕落眇望翼舒翱翔容奕彎掌南指情實西射

腋

古音同上 史記趙世家吾聞千羊之皮不如一狐  
之腋諸大夫朝徒聞唯唯不聞周舍之鄂鄂 郭璞  
山海經狌鵲贊狌鵲貪惛其目在腋食人未盡還自  
齧搏圖形如鼎是謂不若 亦作掖 史記商君傳  
千羊之皮不如一狐之腋千人之諾諾不如一士之  
諤諤

## 弈

古音同上 漢班固弈旨學不廣博無以應客北方  
之人謂碁為弈弘而說之舉其大略 陳第曰弈大  
也盛也爾雅奕奕憂也下皆从大然爾雅疏奕奕梁  
山作弈弈下从升音拱豈古通用邪今別為博弈之  
弈

## 液

古音同上  
見魄字下

晉左思魏都賦見白字下

郭璞江賦

去聲則音夜

博古圖有周叔夜鼎謂即周八士之叔夜說文液从水夜聲

懌

古音同上  
詩節南山八章方茂爾惡相爾矛矣既夷既懌如相醕矣懌與惡爲韻板二章辭之懌矣

民之莫矣  
耶見上  
晉孫楚榮啟期贊榮心溫雅既夷既懌濁以徐清寂然淡泊陸雲喜霽賦毒霖

雨之淹時兮情懷憤而無懌肅有禱於人謀兮反極陰於天作清屏翳之洪隧兮俄太山之觸石凌風絕而謐寧兮歸雲反而微霍改望舒之離畢兮躍六龍於紫閣揚天步之刻刻兮播靈輝之赫奕

譯

古音同上 晉張協七命見貊字下

釋施隻切

古音施灼反 楚辭哀郢見客字下 招魂魂兮歸來東方不可以託些長人千仞唯魂是索些十日代出流金鑠石些彼皆習之魂往必釋些歸來歸來不可以託些 老子渙若冰將釋散兮其若櫟 韓非子備內篇語曰其母好者其子抱然則其爲之反也其母惡者其子釋 史記李斯傳布帛尋常庸人不釋鑠金百鎰盜跖不搏 漢東方朔荅客難見帛字下 淮南子說山訓琬琰之玉在滄泥之中雖廉者弗釋弊簞甑甌在祠茵之上雖貪者不搏 易林小畜之泰天門開闢牢戶窠廓桎梏解脫拘囚縱釋說苑談叢篇爲醜不釋必終其惡 列女傳曹僖氏妻頌見白字下 劉向九歎耶須臾以時忘兮心漸

漸其煩錯願假簧以舒憂兮志紆鬱其難釋詩其耕澤澤音釋爾雅作郝郝史記建元以來侯者年

表衆利侯郝賢索隱曰郝音呼惡反又音釋虞卿傳使趙郝約事於秦郝音釋靳歙傳擊趙將賁郝

郝音釋

去聲則音舍周禮大胥春入學舍采合舞註玄謂

舍即釋也

占夢乃舍萌于四方玄謂舍讀爲釋舍

萌猶釋菜也古者釋菜釋奠多作舍字大祝反行舍奠舍音釋甸祝舍奠于祖廟舍奠于祖禰舍讀

爲釋大史師中舍算舍讀曰釋儀禮鄉飲酒禮主人釋服古文釋作舍大射禮獲而未釋獲古文

釋作舍禮記檀弓有司以几筵舍奠于墓左祭統受書以歸而舍奠于其廟竝音釋月令上丁命樂

正習舞釋菜呂氏春秋作舍采詩四牡傳臣受命舍幣于禰乃行舍音釋列子天瑞篇其人舍然大喜曉之者亦舍然大喜舍音釋周穆王篇化人猶

不舍然舍音釋 說符篇孟氏父子舍然無愠容舍音釋 三國志魏少帝紀嘉平五年詔用孟子舍生

取義作釋生

字亦作醕去聲則音舍史記田敬仲完世家攫之淡醕之愉者政令也下文作舍之愉今醕字在本部音羊益切

# 螫

古音同上 周禮山師註螫噬之蟲獸螫劉音呼落反 史記田儋傳螫手則斬手索隱曰螫音臙又音釋 魏其傳有如兩宮螫將軍張晏音火各反去聲則音赦 老子見搏字下 史記淮陰侯傳猛虎之猶豫不若蜂蠆之致螫 鬼谷子權篇故介蟲之捍也必以堅厚螫蟲之動也必以毒螫 淮南子說山訓見觸字下 說苑見攫字下 韓詩自求辛螫作赦 說文螫从蟲赦聲

尺 昌石切

古音昌若反 詩閼宮見柏字下 禮記曲禮將即  
席容毋作兩手摠衣去齊尺 漢王褒僮約見陌字  
下 古詩青青陵上柏見柏字下 抱朴子文行篇  
本不必便疏末不必皆薄譬錦繡之因素地珠玉之  
託蟠石雲雨生於膚寸江河始於咫尺 陳第曰尺  
音綽漢書律歷志尺者莧也莧音約與蠓同蠓之義  
蓋取諸尺今人布指求尺一縮一伸如蠓之步  
去聲則昌樹反 淮南子秦族訓太山不可丈尺也  
江海不可斗斛也 斛音瓠

斥

古音同上 書禹貢嶠夷既略灘淄其道厥土白墳  
海濱廣斥厥田惟上下厥賦中上厥貢鹽絺海物惟



錯岱吠絲象鉛松怪石 漢張衡西京賦見獲字下  
晉左思魏都賦見白字下 莊子揮斥八極斥音

尺李音託

去聲則昌豫反 淮南子兵略訓相地形處次舍治

壁壘審煙斥居高陵舍出處 左傳襄十一年納斥

候斥徐音尺一音昌夜反 十八年晉人使司馬斥

山澤之險斥音尺一音昌夜反 昭二十八年註魏

郡斥丘縣斥音尺一音昌夜反 文選陸機贈馮文

罷遷斥丘令斥音昌夜反 正作席見上 今此字

兩收於四十禍二十二咎部中

郝

古音呼各反 今此字兩收於十九鐸二十二咎部

中

石

常隻切

古音常略反 書禹貢見上 詩鶴鳴首章其下維  
擇他山之石可以爲錯 楚辭招魂見上 惜誓方  
世俗之幽昏兮眩白黑之美惡放山淵之龜玉兮相  
與貴夫礫石 素問平人氣象論以腎脉來發如奪  
索辟辟如彈石 史記滑稽傳見客字下 漢枚乘  
七發見上 東方朔七諫見白字下 淮南子說山  
訓周之簡圭生於垢石大蔡神龜出於溝壑 說林  
訓救經而引其索拯溺而授之石欲救之反爲惡  
疾雷破石陰陽相薄 鹽鐵論萬乘之朝日聞唯唯  
而後聞諸生之愕愕此乃公卿之良藥鍼石 王褒  
僮約見白字下 易林遯之否海老水乾魚鼈蕭索  
高落無澗獨有沙石 家人之否東求金玉反得弊  
石名曰無宜字曰醜惡衆所賤薄 劉向九歎掄揚  
滌盪漂流隕往觸岑石兮龍印將園繚戾宛轉阻相  
薄兮 漢書佞幸傳牢邪石邪五鹿客邪印何累累  
綬若若邪 班固十八侯銘見宅字下 張衡家賦

碩

刊藁林鑿盤石起峻壑構大榭王逸九思霜雪兮  
淮澄冰凍兮各澤東西兮南北罔所兮歸薄庇廕兮  
枯樹匍匐兮巖石蔡邕釋誨譬猶鍾山之玉泗濱  
之石累珪璧不爲之盈採浮磬不爲之索古詩青  
青陵上柏見柏字下後漢書西南夷傳見帛字下  
魏文帝陌上桑見陌字下晉夏侯湛山路吟曠  
野驅兮遼落崇岳兮崑崙丘陵兮連離卉木兮交錯  
淥水兮長流驚濤兮拂石陸機七徵見上陸雲  
喜霽賦見上郭璞山海經贊見伯字下江賦見  
魄字下何邵游仙詩見柏字下抱朴子見上  
釋名石碣也堅扞碣也春秋說題辭石之爲言託  
也託立法也說文拓橐託皆以石得聲  
上聲則常主反漢書楊王孫傳見棹字下

古音同上

詩

駟驥

見獲字下

大田首章既庭且

碩曾孫是若

崧高八章吉甫作誦其詩孔碩其風

肆好以贈申伯

知其子之惡莫知其苗之碩

閼宮見柏字下

大學引諺人莫

甲我心孔碩乃後有鑠

去聲則常住反

詩楚茨見度字下

炙之石切

古音張略反

詩瓠葉

三章有兔斯首燔之炙之君

子有酒酌言酢之

禮記禮運見帛字下

漢枚乘

七發見帛字下

去聲則之夜反

詳見四十禡韻

去聲則之夜反

詳見四十禡韻

去聲則之夜反

去聲則之夜反

詳見四十禡韻

去聲則之夜反

去聲則之夜反

詳見四十禡韻

去聲則之夜反

去聲則之夜反

詳見四十禡韻

去聲則之夜反

去聲則之夜反

詳見四十禡韻

去聲則之夜反

去聲則之夜反

詳見四十禡韻

去聲則之夜反

去聲則之夜反

詳見四十禡韻

去聲則之夜反

去聲則之夜反

詳見四十禡韻

去聲則之夜反

去聲則之夜反

詳見四十禡韻

去聲則之夜反

去聲則之夜反

詳見四十禡韻

去聲則之夜反

去聲則之夜反

詳見四十禡韻

去聲則之夜反

之恕反

撫

古音同上 玉篇拓即撫字又他各切  
去聲則之恕反 釋名庶撫也

柘

見去聲四十禍韻

蹠

古音同上 楚辭哀郢見客字下 魏陳思王七啟  
蹠捷若飛蹈虛遠蹠凌躍超驤蛻蟬揮霍  
去聲則之夜反 說文蹠从足庶聲

跣

同上 晉張協七命味重九沸和兼芍藥晨鳧露鵠  
霜鷄黃雀圍按星亂方丈華錯封熊之蹠翰音之跣  
鶯靜猩脣髦殘象白雀字誤  
上聲則之與反 荀子榮辱篇可以爲堯舜可以爲  
桀跣可以爲工匠可以爲農賈

廔

古音同上

去聲則之夜反 今此字兩收於四十禍二十二咎  
部中 說文作𧈧从虫廔聲

席

祥易切

古音祥倫反

禮記曲禮毋踐屨毋踏席摳衣趨隅

必慎唯諾

又見上

管子弟子職見客字下史

記魯仲連傳見坼字下

滑稽傳見客字下漢枚乘

七發見帛字下

王褒僮約見白字下易林屯之

豫重茵厚席循高採霍雖躡不懼後反其宅

太玄

經玄錯達思通窮思索千在朝而內在席魏文帝

陌上桑見陌字下

陳思王車已駕行見客字下

黃庭經見白字下

去聲則祥豫反詩行葦見臆字下

夕

古音同上

詩載驅首章載驅薄薄簞第朱韞魯道

有蕩齊子發夕

白駒見客字下

那見上

漢焦

仲卿妻詩阿母得聞之零淚應聲落汝是大家子仕

宦於臺閣慎勿爲婦死貴賤情何薄東家有賢女窈

宛豔城郭阿母爲汝求便復在旦夕  
魏陳思王車已駕行見客字下  
晉李興表諸葛公閣文見格字  
下  
左貴嬪武元楊皇后誅見帛字下  
陸雲夏府君誄瞻彼日月歲聿云夕寒暑窮化四辰交錯日考  
三從案轡長薄藹矣轆軒脫駕寔背榮孤世寧神  
大漠  
郭璞江賦見魄字下  
陶潛自祭文見宅字  
下  
去聲則祥豫反  
詩雨無正見夜字下

窈

古音同上  
晉左貴嬪武元楊皇后誄惟帝與后契闊在笱比翼白屋雙飛紫閣悼后傷后早即寔窈言  
斯既及涕泗隕落  
陸雲夏府君誄見上

蓆



古音同上 詩緇衣三章緇衣之蓆兮敝予又改作

從籍 秦皆切

古音秦各反 詩韓奕見貊字下 史記滑稽傳見客字下 龜策傳見陌字下 漢揚雄宗正箴見伯

字下 漢書敘傳漢章九法太宗改作輕重之差世有定籍 魏應璩詩見客字下 晉左思詠史詩見

宅字下 左貴嬪武元楊皇后誄見帛字下 張協

七命見澤字下 夏侯湛抵疑充三臺之寺盈中書

之閣有司不能竟其文當年不能編其籍

平聲則音昨 淮南子汜論訓履天子之籍籍或作

昨

周禮里宰以歲時合耦于耒鄭司農云耒讀爲籍

籍

古音同上

上聲則慈與反

釋名咀藉也以藉齒牙也

去聲則音昨 史記商君傳裴氏集解引新序論周  
室歸藉索隱曰藉音昨字合作昨誤爲藉耳 今此  
字兩收於四十禡二十二咎部中

躅

古音同上

即四十禡韻中躅字

藉

古音同上 說文藉借也古者使民如借故謂之藉  
也

射 食亦切

古音食倫反

詩抑見度字下

易說卦傳見逆字

下楚辭天問

馮珧利決封豨是射何獻蒸肉之膏

而后帝不若

尸子見虎搏之見龍射之

易林剝

之大壯夷羿所射

發輒有獲

太玄經玄梔陰陽相

錯男女不相射

漢揚雄元后詠見宅字下

晉蔡

洪園碁賦

見奕字下

陶潛自祭文見宅字下

詳

見去聲四十禡韻

以上字轉去聲則入御遇暮禡韻

積

資替切

當作資益

上聲則資氏反

詩載芟見去聲積字下

去聲則音漬

淮南子原道訓憂悲多患病乃成積

詩篤公劉乃積

乃倉積音子智反

良耜積之粟

栗積音子賜反

周禮牛人共其牢禮積膳之牛積

音子賜反

旅師頒其興積音子賜反

羊人凡沈

辜侯禳釁積共具

羊牲積讀爲漬

朝士註蓄積者

多積音子賜反又如字掌戮髡者使守積音子  
賜反大行人出入五積音子賜反禮記月令  
命司徒循行積聚音子賜反儒行不祈多積  
音子賜反昏義以審守委積蓋藏音子賜反  
聘義主國待客出入三積音子賜反左傳僖三  
十三年居則具一日之積音子賜反襄五年相  
三君矣而無私積音子賜反九年輸積聚以貸  
積音子賜反哀十五年廢日共積音子賜反又  
如字公羊莊十七年傳藏者何藏積也積本又作  
漬莊子不乃爲大盜積者也李軌音子賜反積  
飲無崖李軌音子賜反史記項羽紀燒楚積聚正  
義積音子賜反今此字兩收於五寘二十二咎部  
中

踏

詩正月六章謂地蓋厚不敢不踣維號斯言有倫有脊哀今之人胡爲虺蜴

# 脊

詩正月見上

去聲則音漬

周禮蜡氏掌除骹故書骹作脊鄭司

農云脊讀爲殯

張弼曰說文正作脊从𠂔从肉隸

變通文作脊俗省作脊形意遂晦相承用之不能辨也

# 益

伊管切

當作伊積

易益上九莫益之或擊之詩北門見謫字下去聲則音鎰詩板六章攜無曰益牖民孔易民之

多辟無自立辟韓非子揚權篇欲爲其地必適其賜不適其賜亂人求益太玄經增測木止漸增不

可益也要不克可敗也詩疏鄭語云嬴伯翳之後地理志云嬴伯益之後伯益伯翳聲轉字異猶一人也史記秦紀索隱曰嬴姓之先一名伯翳尚書謂之伯益世本漢書謂之伯益是也尋檢史記上下諸文伯翳與伯益是一人不疑而陳杞世家即叙伯翳與伯益爲二未知太史公疑而未決耶抑亦謬誤爾金履祥曰伯益即伯翳也青冀間以入爲去則曰益秦隴間以去爲入則曰益亦音隘春秋元命苞益州益之爲言隘也管子山權數篇隘則易益也說文縊隘皆以益得聲

噏

去聲則音隘 山海經註今吳人呼咽爲噏音隘

蜴羊益切

詩正月見上

易

去聲則以鼓反 詩板見上 韓奕首章夙夜匪解  
虔恭爾位朕命不易 幹不庭方以佐戎辟 淮南子  
齊俗訓是故世異則事變時移則俗易故聖人論世  
而立法隨時而舉事 易林節之頤文明之世銷鋒  
鑄耜以道順昌百王不易 周易正義鄭玄作易贊  
及易論云易一名而含三義易簡一也變易二也不  
易三也 崔觀劉貞簡等竝用此義作難易之音而周  
簡子云易者易也不易也變易也易者易代之名今  
之所用同鄭康成等音爲難易之音義爲簡易之義  
今按上淮南子易林二條皆變易之易而讀去聲是  
知此字元無二音特輕重之間而六朝以下始分爲  
兩部耳 餘見去聲五寘韻

平聲則音夷 今雲南府有易門縣天文分野書曰  
易門者以縣之西有洩水出於石洞中因名其甸曰  
洩門後訛爲易門

適 施隻切

詩北門見上

去聲則施志反

太玄經銳測銳于時得其適也銳

東忘西不能迴避也

晉王沈釋時論夫道有安危

時有險易才有所應行有所適

戰國策甘茂曰疑

智

直炙切

當作直隻

臣者不適三人註適帝同

左傳桓二年疏引韓詩

說三升曰解解適也

說文適从辵啻聲

去聲則音智

說文作潞从水啻聲



刺七迹切

去聲則七賜反 周禮司服註帑刺粉米刺七亦反  
劉七賜反沈此擊反 士師註若今時刺揆尚書事  
刺七亦反又七賜反 公羊文六年傳刺陽處父於  
朝而走刺七亦反一音七賜反 襄二十九年傳於  
是使專諸刺僚刺七賜反又七亦反 今此字兩收  
於五寘二十二箇部中

瘠

秦晉反

當作秦積

去聲則音漬 公羊莊二十年傳大災者何大瘠也  
瘠一本作漬禮記曲禮註引此作漬 大戴禮千乘  
篇在吟之民羸醜以齒者事也齒當爲瘠 呂氏春  
秋仲父之病矣漬甚漬當爲瘠 時出行路從車載  
食以視孤寡老弱之漬病漬當爲瘠 史記劉敬傳  
徒見羸瘠老弱漢書作瘠 漢書食貨志國亡捐瘠

蘇林曰瘠音漬

後漢書東海恭王彊傳皆吐血毀

皆皆或爲瘠

彭城靖王恭傳毀齒過禮齒當爲瘠

裨

房益切

平聲則音裨

晉潘岳金谷集詩前庭樹沙棠後園

植烏裨靈園繁若榴茂林列芳梨飲至臨華沼遷坐

登隆坻玄醴染朱顏但慙杯行遲考工記廬人句

兵裨註裨讀爲鼓輦之輦齊人謂柯斧柄爲裨漢

書地理志琅邪郡裨應劭曰音裨說文裨从木卑

聲今此字四收於五支十二齊二十二簪二十三

錫部中

草

去聲則音蔽

漢書韓信傳草山而望趙軍如瀉曰

草音蔽

說文草从艸卑聲

役營隻切

平聲則營暴反 詩君子于役首章君子于役不知其期曷至哉難棲于時日之夕矣羊牛下來君子于役如之何勿思 去聲則營記反 漢楊雄長楊賦出愷悌行簡易矜劬勞休力役

辟房益必益二切

詩文王有聲五章豐水東注維禹之績四方攸同皇王維辟 蕩首章蕩蕩上帝下民之辟疾威上帝其

命多辟

殷武見謫字下

平聲則音裨 禮記玉藻素帶終辟註辟讀如裨冕之裨 國語辟耳之谿管子史記漢書皆作卑耳上聲則音弭 禮記郊特牲有由辟焉註辟讀爲弭

去聲則賓二反 詩韓奕見上 漢班固東都賦豈  
特方軌竝跡紛綸 后辟理近古之所務蹈一聖之險  
易云爾哉 此字三收於本部中其音僻者詩板蕩  
竝已見上不重出

壁

詩淇奥見簣字下  
以上字轉去聲則入寘至志韻

二十三錫

此韻當分爲二

錫

先擊切

詩淇奥見簣字下  
去聲則息例反 儀禮喪服錫衰註謂之錫者治其

布使之滑易也

析

平聲則息黎反 史記五帝紀析枝渠慶索隱案大戴禮云鮮支渠搜則鮮支當此析支也鮮析音相近古讀鮮爲斯去聲則息例反音近賜 後漢書西羌傳濱于賜支賜支者禹貢所謂析支者也

皙

去聲同上 詩君子偕老二章鬢髮如雲不屑髭也玉之璵也象之晞也揚且之皙也胡然而天也胡然而帝也

裼

上聲則息禮反 漢馬融廣成頌睽孤剗刺裸裎袒裼冒櫛柘槎棘枳窮浚谷底幽嶰暴斤虎搏狂兕獄

蓄熊挂封貉

去聲則音賜 儀禮聘禮裼降立註古文裼皆作賜

詩載衣之裼說文作襜

絺

去聲則以鼓反 反皇音錫

禮記深衣註緣絺也絺徐音以鼓

擊

古歷切

易益上九見益字下 上聲則古以反

漢司馬相如子虛賦脩神倩瀏雷

動哉至星流霆擊弓不虛發中必決眦洞胸達掖絕乎心繫易林訟之損爭訟不已更相牽擊

去聲則音計管子宙合篇夫天地一險一易若鼓之有搏撻擋則擊晉傳玄關雞賦於是紛紜翕赫雷合雷擊爭奮身而相戰兮競集鷺而鵬脫

# 擊

去聲同上周禮野廬氏凡道路之舟車擊互者擊音計沈古的反穀梁傳昭八年流彗握御擊者不得入音古帝反本或作擊今此字兩收於十二霽二十三錫部中

# 倅

普擊切

今此字兩收於二十二咍二十三錫部中去聲則音避宋西烏夜飛歌我昨憶歡時攬刀持

自刺自刺分應死刀作雜樓僻 左傳宣十二年註  
牌城上僻倪亦作埤垸

鄺 郎擊切

平聲則音犁 春秋僖元年公子友帥師敗莒師于  
鄺公羊傳作犁穀梁傳作麗 山海經支離之山註  
濟水出鄺縣西北山中鄺音離字亦同 按從前音  
犁從後音羅 說文鄺从邑麗聲 今此字兩收於  
五支二十三錫部中

歷

去聲則音利 釋名詁歷也以惡言相彌歷也 楊  
慎曰汲冢周書王會解以丹青白旄紕蜀江歷龍角  
神龜爲獻江歷珠名即江驪也



嫡 都歷切

去聲則都利反 說文嫡从女啻聲

鎡

同上 說文鎡从金啻聲

滴

同上 說文滴从水啻聲

摘

同上 說文摘从木啻聲

鴝 五歷切

平聲則五兮反 說文鴝亦作鴝从鳥兒聲

敵 徒歷切

去聲則徒計反 說文敵从攴啻聲

惕 他歷切

詩防有鵲巢見鵲字下  
去聲則他計反 易林升之同人濟河踰厄脫毋怵

惕四序爲衛使惠不廢 晉潘尼荅陸士衡詩簪游  
禁闥祇畏夕惕今放丘園縱心夷易

鬻

去聲同上 亦作髻 詩采芣箋主婦髮髻劉昌宗音吐歷反沈音湯帝反 禮記曲禮下註髻馬不髻落也髻音吐歷反又他計反 後漢書馮魴傳皆自髻剔剔音他狄反聲類曰亦髻字音他計反謂髻去髮也按二字音義竝同當作髻剔儒林傳至有自髻剔者

# 剔

同上 亦作肆 周禮大司徒祀五帝奉牛牲羞其肆肆託歷反鄭司農音四 大宗伯以肆獻裸高先王肆音他歷反 典瑞裸圭有瓚以肆先王肆如字又他歷反 小子羞羊肆羊穀肉豆肆讀爲髻音他歷反 一音餘四反 詩楚茨或肆或將鄭音他歷反 禮記郊特牲腥肆爛膾祭肆音他歷反

# 績則歷切

詩七月三章七月鳴鵲八月載績 文王有聲見辟  
字下 殷武見謫字下

去聲則音漬 楚辭離騷惟黨人之偷樂兮路幽昧  
以險隘豈余身之憚殃兮恐皇輿之敗績

𡵓 苦擊切

去聲則苦計反 說文𦰩𦰩𦰩皆以𡵓得聲

𦰩

同上 說文𦰩从口契聲

𦰩 扶歷切

詩防有鵲巢見鷦字下

鷄 各覓切

詩七月見上

閱 許激切 當作許歷

上聲則許里反 國語富辰諫襄王曰人有言曰兄  
弟讒閱侮人百里

以上字轉去聲則入寘至志霽祭韻 凡从易从析  
从毀从辟从商从益从責从兒之類竝入此

激 古歷切 當作古礫

去聲則古弔反 莊子齊物論激者謫者李軌讀古  
弔反 漢張衡西京賦通天諺以竦峙徑百常而莖

擢上韓華以交紛下刻隋其若削翔鷄仰而弗逮況  
青鳥與黃雀伏櫺檻而俯聽聞雷霆之相激擢音掉

削音肖雀子料反 晉潘岳狹室賦若乃重陰晦冥  
天威震耀潢潦沸騰叢澗奔激曰竈爲之沈溺器用  
爲之浮漂 考工記弓人註菱讀爲激發之激 今  
此字兩收於三十四嘯二十三錫部中

激

驚

竝同上 今此二字三收於三十四嘯二十三錫部  
中

竅

去聲則苦弔反 今此字兩收於三十四嘯二十三  
錫部中

又公羊昭二十五年傳昭公於是噉然而哭噉古弔  
反一音古狄反史記律書渠噉之聲興而士奮索隱

曰漱音擊今廣韻不收止收入三十四嘯部音叫

𨮒

即擊切

當作郎激

去聲則力到反 漢張衡西京賦飛罕攔箭流鏑攔  
擲矢不虛舍鋌不苟躍當足見踞值輪被𨮒僵禽斃  
獸爛若磧𨮒

𨮒

同上 說文𨮒从玉樂聲

𨮒

同上 漢張衡西京賦見上 說文𨮒从石樂聲  
釋名小石曰𨮒 𨮒料也小石相枝柱其間料料然出

內氣也

𦣻

同上 漢司馬相如上林賦皓齒粲爛宜笑之𦣻長  
眉連娟微睇縣藐

𦣻

同上 說文𦣻从木樂聲 見十八樂韻

𦣻

同上 今此字三收於一屋十九鐸二十三錫部中

寥



平聲則音聊 今此字兩收於三蕭二十三錫部中

# 躒

去聲則力到反 春秋昭三十一年季孫意如會晉荀躒于適歷公羊穀梁傳竝作櫟 左傳襄二十四年晉侯使張骼輔躒致楚師躒力狄反又音維 昭九年使荀躒佐下軍躒力狄反又音維 昭的都歷切 當作都礫

詩賓之初筵首章發彼有的以祈爾爵音義的音勻 晉潘岳芙蓉賦丹輝拂紅飛須坐的斐披葩赫散 煥熠爚 楊慎曰的音灼婦人以點飾額也史記註 的以丹注面婦人有月事妨于進御難于自言故點 的以見王微神女賦施玄的正羽釵傳玄詩玄的點 絳是也今按釋名以丹注面曰勻勻灼也此本天子

諸侯羣妾當以次進御其有月事者止而不御重以口說故注此於面灼然爲識女史見之則不書其名於第錄也是的勻同爲一字按的字在入聲則當入藥音都略反灼酌灼兮之類也轉去聲則當入嘯音都料反鈞杓杓之類也後人誤音爲滴轉上聲爲底按宋人書中凡語助之辭皆作底並無的字是近代之誤莊子庚桑楚篇我其杓之人邪註杓音的又匹么反今人小的字亦當作小底宋史有內殿直小底入內小底內班小底遼史有近侍小底承應小底筆硯小底

吊

去聲則音鈞 今此字兩收於三十四嘯二十三錫部中

逆

同上 說文逆从走𠂔聲 今此字兩收於三十四  
嘯二十三錫部中

檄  
胡狄切

去聲則胡敎反 晉郭璞蜜蜂賦誅戮峻於鈇鉞招  
徼速乎羽檄集不謀而同期動不安而齊約

梟

註又胡老切今上聲三十二皓部失收此字

翟  
徒歷切 當作徒礫

去聲則徒料反 詩簡兮三章左手執籥右手秉翟  
赫如渥赭公言錫爵 按翟嬖曜曜難權等字皆从  
翟則翟音當與翟同惟君子偕老二章不協當以玼  
字爲韻而翟字闕之 今翟姓音澤乃相沿之誤說

文徐曰姓本音狄後人姓乃音澤也今江南人猶作狄音周禮內司服揄狄闕狄鄭玄謂狄當爲翟又引書羽畎夏翟作夏狄顧命狄設黼展綴衣禮記祭統作翟喪大記作狄春秋盟于狄泉穀梁作翟長狄僑如史記作翟漢書匈奴傳中狄皆作翟而天王居于狄泉史記又作澤則此字之音其訛久矣史記呂不韋傳陽翟大賈人也索隱曰翟音狄俗又音宅文選過秦論翟景翟音亭的反

迪

同上詩桑柔十一章維此良人弗求弗迪維彼忍心是顧是復民之貪亂寧爲荼毒德音豆晉陸雲王羊二公詩惟常思庸大興光迪聖敬遠躋神道玄邈思媚三靈誕膺天篤嘉命既辱王人言告說文迪从走由聲

邨

同上 說文邨从邑由聲

蓀

同上 說文蓀艸田器从艸條省聲論語曰以杖荷蓀今作蓀 今此字兩收於三蕭二十三錫部中而蓀字在三十四嘯部

笛

同上 說文笛从竹由聲

滌

欽定四庫全書

唐韻正

三十四

平聲則音條 周禮條狼氏杜子春云條當爲滌  
漢索長蔡湛頌蕭條作蕭滌 說文滌从水條聲  
去聲則徒料反 揚子法言問神篇白日以照之江  
河以滌之 禮記禮器帝牛必在滌三月臭味未成  
滌蕩其聲徐竝音同弔反 漢書韓延壽傳噍咷楚  
歌服虔曰咷音滌濯之滌

# 由

去聲則音宙 說文由从彳由聲 玉篇由除又徒  
歷二切今廣韻四十九宥部失收

# 糴

去聲則徒料反 左傳成十年晉侯使糴莠如楚糴  
調去聲一音杜教反

# 苗

同上 說文苗从艸由聲

蔣 他歷切

平聲則他彫反 說文蔣从艸脩聲

睇

同上 說文睇从目脩聲 今此字兩收於十八尤  
二十三錫部中十八尤部作睇

擎 苦擊切 當作苦激

去聲則苦弔反 公羊宣六年傳註擎擗也擎口  
弔反 亦作擗莊子擗以馬槿音苦弔反又古的反  
今此字兩收於三十四蕭部二十三錫部中

怒

奴歷切

當作奴磔

去聲則奴弔反 說文怒从心叔聲叔音少

溺

同上 詩桑柔見削字下 晉陸機遂志賦見濯字  
下 莊子齊物論其溺之所爲之註奴狄反郭奴微  
反 說文溺水目張掖刑丹西至酒泉合黎餘波入  
于流沙从水弱聲而灼切趙宦光曰即禹貢之弱水  
不勝鴻毛故曰弱加水作溺王褒九懷浮溺水兮舒  
光是也借休也亦取易沈義俗遂讀作休非也春秋  
陳侯溺魯大夫溺論語桀溺竝古人名書生亦讀成  
休苟他字以溺爲休義猶可通至於命名何苦而必  
加之惡號哉按說文以休爲沒水之溺則經典溺字  
俱從借用字矣又史記范雎酈食其韓安國傳竝用



爲波溺之溺索隱曰溺音年弔反正義曰溺古尿字亦借用以張昭曰溺有本聲本訓自借尿尿二用聲亦隨轉而休尿之聲意反晦尿正作尿俗譌讀水

平聲更謬

戚

倉歷切

當作倉磔

去聲則七肖反詩小明三章替我往矣日月方與曷云其還政事愈感歲聿云暮采蕭獲菽心之憂矣自貽伊戚念彼共人興言出宿豈不懷歸畏此反覆此章當從與字爲韻太玄經親次二乎其肉其志資戚漢張衡東京賦若乃流遁忘反放心不覺樂而無節後離其戚一言幾於喪國我未之學也覺學俱去聲魏嵇康太師箴悠悠庶類我控我告唯賢是授何必親戚順乃造好民實胥效治亂之原豈無昌敬思親詩中夜悲兮當誰告獨杖淚兮抱哀戚晉郭璞元帝哀策文窮號曷訢叩心誰告何悲之

哀何痛之酷嗚呼我皇逢天之戚按戚感感三字同音故考工記不微至無以爲戚速也徐劉皆音將六反史記高祖紀泗川守壯敗於薛走至戚如淳曰戚音將毒反而釋名戚感也斧以斬斷見者皆感懼也可見三字之音同音矣楚辭九辯悲憂窮戚兮獨處廓戚一作感文選作戚

鼓蚤

上聲則側九反周禮鑄師凡軍之夜三鑿皆鼓之註春秋傳所謂賓將趨者音聲相侶今左傳作賓將振莊九反去聲則七料反周禮掌固夜三鑿以號戒杜子春讀爲造次之造宋書樂志鑿周禮音戚今世音切鼓反誤說文本作蚤从豈蚤聲以上字轉去聲則入嘯笑韻凡从敦从樂从勺从狄从條从叔从周从瞿从戚之類竝入此

覲 徒歷切

古音漬 易困初六臀困于株木入于幽谷三歲不  
覲 晉陸機七徵是以玄靈感而表應嘉神繁而畢  
覲 舞唐庭之來儀鳴岐陽之驚鶯 當改入屋韻  
周禮司市以量度成賈而徵 賈聶氏音笛今賈字在  
一屋部則知覲之音笛亦同此誤也

## 二十四職

職 之翼切

去聲則音志 淮南子覽冥訓見服字下 易林萃  
之坤新受大喜福優重職樂且日富 唐李華含元  
殿賦猶慮憲章或遺國容未備乃立掌匭之司館通  
事之司職在達下情於上天 微王言於有位 史記

屈原傳章畫職墨兮前度未改楚辭作志墨 叔孫  
通傳百官執職傳警索隱曰職音幟 集古錄載漢  
樊穀華嶽碑以周禮職方氏爲識方氏云識誌其義  
通也金石錄載漢袁逢華嶽碑亦以職方氏爲識方  
氏

# 織

上聲則音止 易林頤之夬嘉聞福喜繒帛盛織日  
就爲得

去聲則音志 詩瞻卬四章鞠人忮忒譖始竟背豈  
曰不極伊胡爲慝如賈三倍君子是識婦無公事休  
其蠶織 梁沈約高士贊亦有哲人獨執高志避世  
避言不友不事耻從汙祿靡惑芳餌心安藜藿口絕  
炮斂取足落毛寧懷組織 詩織文鳥章織古幟字  
漢書食貨志旗織加其上甚壯師古曰織讀曰幟

陳湯傳望見單于城上立五采幡織師古曰織讀  
曰幟公羊莊三十一年傳註旗軍幟名幟本又作  
織今此字兩收於七志二十四職部中

# 臚

去聲同上亦作臚儀禮鄉射禮薦脯用籩五職註  
古文臚爲臚今文或作植

# 直

除力切

去聲則音值詩縣五章其繩則直縮版以載作廟  
翼翼孟子放勳曰勞之來之匡之直之輔之翼之  
使自得之又從而振德之文子上德篇舌之與齒  
孰先弊馬繩之與矢孰先直馬淮南子說林訓同  
周禮馬質註月直大火直音值儀禮士昏禮婦洗在  
之以眡其輻之直也直音值

北堂直室東隅直音值 士喪禮主人堂下直東序  
西面註直音值 禮記月令註於藏直脾直音丈吏

反 正月宿直尾箕直音丈吏反 喪大記註祝負

墻南面直君直如字又音值 投壺馬各直其筭直

如字又音值 史記天官書前列直斗口三星索隱

曰直如字又音值 吳王濞傳越直長沙者直音值

匈奴傳諸左方王將居東方直上谷索隱曰案姚

氏云古字例以直爲值 漢書霍去病傳適直青軍

出塞千餘里師古曰直讀曰值 朱買臣傳直上計

時師古曰直讀曰值 張敞傳直守遠郡直讀曰值

酷吏傳無直甯戚之怒師古曰直讀曰值 後漢

張平子碑書直作值

力 林直切

平聲則林之反 易林无妄之解鶴鳴九皋處子失  
時載土販鹽難爲功力 晉書音義驪軒今其土俗

人呼驪靳疾言曰力虔

去聲則林志反

詩桑柔十五章民之罔極職涼善

背爲民不利如云不克民之回遹職競用力淮南子秦族訓分財而衣食之立大學而教誨之夙興夜寐而勞力之要略見福字下

敕

耻力切

上聲則稱止反

詩楚茨見下

去聲則稱致反

註云今相承用勅太玄經玄文罔

蒙相極直商相勅出冥入冥新故更代陰陽迭循清濁相廢將來者進成功者退已用則賤當時則貴天文地質不易厥位張弼曰敕从支束聲初譌作勅再譌作勅則爲洛代切之別一字矣試觀從來敕命篆文皆作敕可知當从也

𨔵

去聲同上

說文𨔵从走異聲

忒

同上  
令忒忒

顏氏家訓守道信謀欲行一事卜得惡卦反

食

乘力切

上聲則音祀  
去聲則音嗣

詩楚茨見下  
易明夷象傳君子于行義不食也六

二之吉順以則也南狩之志乃大得也入于左腹獲  
心意也箕子之貞明不可息也初登于天照四國也  
後入于地失則也左傳見去聲祐字下管子四  
稱篇貪於貨賄競於酒食不與善人唯其所事倨敖



不恭不友善士 莊子山木篇吾無糧我無食安得  
而至焉 墨子七患篇故民無仰則君無養民無食  
則不可事 淮南子泰族訓見上 易林萃之小畜  
筐傾筥覆畏我公置簡伯無禮太師正食 漢王褒  
洞簫賦見下 說苑談叢篇篇默無過言慙無過事木  
馬不能行亦不費食騏驥日馳千里鞭箠不去其背  
太玄經事次五事其事王假之食 後漢書西南  
夷傳遠夷樂德歌聞風向化所見奇異多賜繒布甘  
美酒食 今此字兩收於七志二十四職部中

息

相卽切

平聲則相夷反 漢書地理志司吾莽曰息吾 水  
經注楚執鍾吾子以爲司吾縣王莽更之息吾也  
上聲則相里反 釋名始息也言滋息也  
去聲則相二反 詩大東三章薪是獲薪尚可載也

哀哉憚人亦可息也

易明夷象傳見上

荀子天

論篇所志於天者已其見象之可以期者矣所志於

地者已其見宜之可以息者矣所志於陰陽者已其見知之可

見數之可以事者矣所志於陰陽者已其見知之可

以治者矣呂氏春秋審分篇凡人主必審分然後

治可以至姦偽邪僻之塗可以息惡氣苛疾無自至

漢書賈誼傳服乃太息舉首奮翼口不能言請對

以意萬物變化兮固無休息衆人或或兮好惡猜

意真人淡漠兮獨與道息王褒洞簫賦是以蟋蟀

蚺蝮跂行喘息螻蟻蠕蠕蠅蠅翩翩遷延徙迤魚瞰

雞睨坐喙蜎轉瞪瞢忘食易林觀之歸妹銅人鐵距

雨露勞苦終日卒歲無有休息方言四息也

常職切

寔

寔

去聲則音是書秦誓是能容之大學引作寔能容

之是不能容作寔不能容爾雅釋詁寔是也春

秋桓六年寔來公羊傳寔來者何猶曰是人來也穀  
梁傳寔來者是來也說文寔从艸是聲

# 植

去聲則直吏反管子版法篇凡將立事正彼天植  
漢賈誼弔屈原文闡茸尊顯兮讒諛得志賢聖逆  
曳兮方正倒植淮南子淑真訓夫天不定日月無  
所載地不定艸木無所植晉潘岳懷縣詩小國寡  
人民終日寂無事白水過庭激綠槐夾門植信美非  
吾土祇攪懷歸志懷舊賦望彼揪矣感于予思既  
興慕於戴侯亦悼元而哀嗣墳纍纍以接隴柏森森  
以攢植何逝沒之相尋曾舊艸之未異馬汧督誄  
鞏更恣睢潛跼官寺齊萬號闕震驚台司聲勢沸騰  
種落煽熾旌旗電舒戈矛林植梁何遜西州寓直  
懷郡中游聚詩寓直慚虎賁沉迷豈職事祈祈寒枝  
動濛濛秋雨駛不見眼中人空想山南寺雙桐倚欄

上長楊夾門植書金滕植壁乘珪植時織反又音  
置詩有替傳植者爲虞植時力反又直吏反那  
箋植靴鼓者植時職反又音植周禮大司馬大役  
與慮事屬其植植音直吏反山虞植虞旗于中植  
時力反又音植田僕令獲者植旌植直吏反又時  
力反考工記與人註軹輅之植者植直吏反梓  
人註植曰虞植直吏反又時力反禮記檀弓註同  
又繩所以繫侯於植者也植直吏反禮記檀弓  
行并植於晉國植直吏反又時力反月令吳曲植  
籬筐植直吏反左傳宣二年華元爲植植直吏反  
裏三十年其君弱植植徐音直吏反一音時力反  
定十年步左右皆至而立如植植市力反一音植  
今此字兩收於七志二十四職部中

植

去聲則昌志反 釋名埴臍也黏脫如脂之臍也  
書禹貢厥土赤埴墳音市力反鄭作戔徐鄭王皆讀  
曰熾韋昭音試 今此字兩收於七志二十四職部  
中

湜

去聲則音是 易坎上六寘于叢棘子夏傳作湜  
說文湜从水是聲

殖

去聲則直吏反 左傳襄三十年與人誦之曰我有  
子弟子產誨之我有田疇子產殖之子產而死誰其  
嗣之

識

賞職切

平聲則音之 莊子山木篇伺乎其無識儻乎其怠

疑萃乎芒乎其送往而迎來

去聲則音志

詩賓之初筵五章三爵不識矧敢多

又 瞻卬見上

楚辭天問師望在肆昌何識鼓刀

揚聲后何喜

九章惜往日雖有西施之美容兮讒

妒入以自代願陳情以白行兮得罪過之不意情冤

見之日明兮如列宿之錯置乘騏驥而馳騁兮無轡

銜而自載乘汜汭以下流兮無舟楫而自備背法度

而心治兮辟與此其無異寧盜死而流亡兮恐禍殃

之有再不畢辭而赴淵兮惜癰疽之不識 宋玉神

女賦晡夕之後精神恍惚若有所喜紛紛擾擾未知

何意目色髣髴乍若有記見一婦人狀甚奇異寐而

夢之寤不自識罔兮不樂悵爾失志 管子樞言篇

戒之戒之微而異之動作必思之無令人識之卒來

者必備之 荀子成相篇觀往事以自戒治亂是非

亦可識託於成相以喻意 哀公篇若天之嗣其事

不可識

呂氏春秋君守篇故善爲君者無識其次

無事

六韜見默字下

漢枚乘七發見下 東方

朔七諫處昏昏之濁世兮今安所達乎吾志意有所

載而遠逝兮固非衆人之所識 易林巽之節嬰兒

孩子未有知識彼童而角亂我政事 劉向九歎路

曼曼其無端兮周容容而無識引日月以指極兮少

須臾而釋思 列女傳齊太倉女頌緹縈訟父亦孔

有識推誠上書文雅甚備小女之言乃感聖意終除

肉刑以免父事 馮衍顯志賦韓盧抑而不縱兮騏

驥絆而不試獨慷慨而遠覽兮非庸庸之所識 後

漢中常侍樊君碑文見室字下 江表傳得黃金一

筭不如爲柳伯騫所識 晉束皙玄居釋今先生耽

道修藝巍然山峙潛朗通微洽覽溪識夜兼忘寐之

勤晝騁鑽玄之思曠年累稔不墮其志鱗翼成而愈

伏術業優而不試 盧湛贈劉琨詩纖質寔微衝飈

斯值誰謂言精致在賞意不見得魚亦忘厭餌遺其

形骸寄之溪識後漢書杜欒劉李傳贊黃冠方熾  
子奇有識武謀允臧瑜亦協志弼忤宦情雲犯時忌  
成仁喪已同方殊事宋謝靈運撰征賦世闕才而  
貽亂時得賢而興治救祖考之邦壤在幽人而枉志  
體飛書之遠情悟犒師之通識迨明達之高覽契古  
今而同事釋名識熾也有章熾可按視也  
易大  
畜象傳君子以多識前言往行劉瓛本作志  
左傳  
昭二十一年註徽識也本又作熾  
漢書高帝紀旗  
熾皆赤師古曰熾音式志反史家字或作識或作志  
皆同  
今此字兩收於七志二十四職部中

# 飾

去聲則音試韓非子外儲說右上申子曰上明見  
人備之其不明見人惑之其知見人飾之不知見人  
匿之其無欲見人伺之其有欲見人餌之



軾

敕 同上 禮記緇衣苟有車必見其軾苟有衣必見其

式

上聲則商止反 詩楚茨見下 蕩五章天不洒爾  
以酒不義從式既慙爾止靡明靡晦

去聲則音試 詩崧高二章疊疊申伯王纘之事于

邑于謝南國是式 史記秦始皇紀之罽山刻石文

皇帝哀衆遂發討師奮揚武德義誅信行威煇勗達  
莫不賓服烹滅彊暴振救黔首周定四極普施明法

經緯天下永爲儀則大矣哉 字縣之中承順聖意羣

臣誦功請刻于石表坐于常式 素問疏五過論視

溪淵尚可測迎浮雲莫知其際聖人之術爲萬民式  
論裁志意必有法則循經守數按循醫事爲萬民副

故事有五過四德淮南子要略見福字下說苑  
建本篇疏達世事分明利害籌策得失以觀禍福設  
義立度以爲法式漢遼詔塞賦施之於人仁義載  
焉考之古今王霸備焉覽其成敗爲法式焉

極

渠力切

上聲則渠綺反詩楚茨見上淮南子精神訓賤  
之而弗憎貴之而弗喜隨其天資而安之不極  
去聲則渠記反詩桑柔瞻卬並見上楚辭天問  
厥萌在初何所意焉橫臺十成何所極焉莊子則  
陽篇道物之極言默不足以載非言非默議有所極  
荀子賦篇一往一來結尾以爲事無羽無翼反覆  
甚極尾生而事起尾遭而事已史記秦始皇紀見  
上靈樞經外揣篇是謂陰陽之極天地之蓋請藏  
之靈蘭之室弗敢使泄也漢枚乘七發橫暴之極  
魚鼈失勢顛倒偃側司馬相如上林賦見北字下

匿

女力切

淮南子要略見福字下 易林暎之未濟生宜地  
乳上皇大喜隆我祉福貴壽無極 太玄經玄文見  
上 吳越春秋見福字下 左傳費無極史記楚世  
家作費無忌索隱曰極忌聲相近淮南子亦作無忌  
去聲則女計反 荀子成相篇人之態不如備爭寵  
嫉賢利惡忌妒功毀賢下飲黨與上蔽匿 韓非子  
外儲說右見上 而有知見也人且匿女而無知  
見也人且意女 素問見伏字下 淮南子主術訓  
故人生誠正則直士任事而姦人伏匿矣人主不正  
則邪人得志忠者隱蔽矣 兵略訓兵貴謀之不測  
也形之隱匿也出於不意不可以設備也 漢王褒  
四子講德論閔耄老之逢辜憐穉經之服事惻隱身  
死之腐人悽愴子弟之縲匿

測

初力切

去聲則初志反

素問見上

淮南子兵略訓見上

憶

於力切

去聲則音意

釋名憶意也恒在意中也

張弼曰

六書正譌意又思也別作憶非趙宦光說同亦作憶  
爲臆俗改

薏

億

同上 張弼曰說文薏苡黍屬从艸音聲俗譌从意  
元竝列正文于下玉篇正薏在前俗薏次之

平聲則於其反 易震六二億喪貝陸德明音義云  
本又作噫於其反辭也六五同 禮記文王世子註  
億可以爲之也億本又作噫 易繫辭傳噫亦要存  
凶吉凶則居可知矣此以口之噫而王肅音於力反  
書金縢噫公命我勿敢言噫音於其反馬本作懿  
猶億也

上聲則於紀反 詩楚茨首章楚楚者茨言抽其棘  
自皆何爲我藝黍稷我黍與與我稷翼翼我倉既盈  
我庾維億以爲酒食以享以祀以妥以侑以介景福  
四章必芬孝祀神嗜飲食卜爾百福如幾如式既  
齊既稷既匡既救永錫爾極時萬時億

去聲則音意 楚辭天問厥萌在初何所億焉一作  
意 漢書貨殖傳引論語億則屢中作意則屢中  
禮記少儀註測意度也意本又作億 史記吳王濞  
傳億亦可乎卽意字 按洪适漢隸所載泰山都尉  
孔宙碑樊毅修華嶽碑司隸校尉魯峻碑並書億作

唐巴郡太守張納碑書億作意小黃門譙敏碑書意作億而元吳激解易億喪貝謂是意錢之戲以古意億通用也張弼曰說文十萬曰億顯足證據張納碑正是石經用億安也俗通譌改作億

# 臆

去聲同上史記賈生傳鵬賦請對以臆漢書作意晉書十壺傳裁出否於意斷意音於力反臆卽下肌重文

# 榘

同上今作榘考工記弓人榘次之榘於力反又音意張弼曰說文榘梓屬可爲棺槨弓材榘枕也廣韻不潤

醺

同上 周禮酒正註醫與臆相侶臆本又作醺於紀反徐於力反 禮記內則醺於紀反又於力反 今醺字兩收於六止二十四職部中

抑

平聲則音噫  
父疾而呼之

詩抑此皇父箋云抑之言噫噫是皇

去聲則音懿 楚辭九章懷沙撫情效志兮侘詘以自抑利方以爲圓兮常德未替 素問見殺字下

楚語衛武公作懿戒以自儆韋昭云懿讀曰抑大雅抑之篇也 元戴侗六書故曰論語抑與之與漢石

經作意與之與大戴禮武王問師尚父曰黃帝顓頊之道存乎意亦忽不可得見與後漢書隗囂問班彪

曰抑者從橫之事復起於今乎蓋抑有意音二字古通用也陳第曰抑音懿詩抑抑威儀抑讀如易懿文德之懿國語引詩抑戒作懿戒按抑字詩賓之初筵三章與秩爲韻假樂三章與秩匹爲韻後人乃分入職韻

# 音

見上張弼曰說文音快也从言从中意億善權从之俗書廢閣正文俱改从意遂譌溷互錯幸載此本文可攷也

# 色

所力切

去聲則所類反漢司馬相如上林賦見罽字下東方朔七諫服清白以逍遙兮偏與乎玄英異色而



施媞媞而不得見兮暮母勃屑而日侍

棘

紀力切

上聲則音紀

詩楚茨見上

去聲則音記

詩采芣五章四牡翼翼象弭魚服豈

不日戒獫狁孔棘

出車見牧字下

亟

去聲則去吏反

詩靈臺二章見伏字下

今此字

兩收於七志二十四職部中

懺

去聲則音戒

說文懺从心戒聲

今此字兩收於

十六怪二十四職部中

弋與職切

上聲則音以 春秋襄四年秋七月戊子夫人如氏  
薨公羊傳作弋氏八月辛亥葬我小君定如公羊傳  
作定弋定十五年秋七月壬申如氏卒穀梁傳作弋  
氏辛巳葬定如穀梁傳作定弋 禮記月令田獵置  
罟羅網畢翳餽獸之藥毋出九門註今月令翳爲弋  
趙宦光曰弋本作了余制切担也加體作弋 說  
文代以人弋聲

虞

去聲則音異 說文虞从广異聲 今此字兩收於  
七志二十四職部中

翼

上聲則音以 詩楚茨見上

去聲則音異 詩采芣苢見上 生民三章誕寘

之隘巷牛羊腓字之誕寘之平林會伐平林誕寘之

寒水鳥覆翼之行葦見福字下 孟子見上 荀

子見上 呂氏春秋重言篇有鳥止於南方之阜其

三年不動將以定志意也其不飛將以長羽翼也其

不鳴將以覽民則也 漢書賈誼傳見上 枚乘七

發見下 吳越春秋見福字下 說文本作翼以飛

異聲

翼

去聲同上 說文翼从水異聲 今此字兩收於七

志二十四職部中

翊

同上 漢王褒洞簫賦見上

卷十九

匱

同上 說文匱从匚異聲

螟

同上 玉篇螟音異又音弋

卽 子力反

按卽字易鼎九二爻辭與實疾爲韻詩東門之墀二章與栗室爲韻東方之日首章與日室爲韻篤公劉六章與密爲韻後人乃分八職韻但職與質術櫛轉去聲則竝是一韻故今仍之

稷

平聲則音柒 爾雅柒稷也

上聲則子禮反 詩楚茨見上 大田見黑字下

生民見敏字下 易林巽之蹇礲礲白石不生黍稷

無以供祭祇靈乏祀

去聲則音祭 詩閼宮見忒字下 漢冀州從事張

表碑文系帝高辛爰暨后稷張仲孝友雅藝攸載

宋沈括夢溪筆談稷乃今之稭也齊晉之人讀卽積

皆曰祭乃其土音 楊慎引羅端良說曰稷又名齊

或爲柒故祭祀之號稷曰明柒而言柒盛者本之禮

運柒醞在堂是也稷又名稭呂氏春秋飯之美者有

陽山之稭然則稷也柒也稭也字有古今異文語有

輕重殊音尔

百

彼側切

去聲則音祕 說文从二百讀若祕

佢 況逼切

去聲則火季反 詩閼宮有佢音況域反一音火季反 今此字兩收於六至二十四職部中

副 芒逼切

去聲則方二反 詩生民見達字下 素問見上 禮記曲禮上爲天子削爪者副之副讀曰劈 呂氏春秋副之以吳刀亦劈字 今此字兩收於四十九宥二十四職部中

側 阻力切

平聲則音菑 公羊昭二十五年傳以人爲菑何休註菑周埒垣也 今太學辟雍作側字

去聲則阻二反 楚辭天問見殺字下 漢枚乘七  
發今如太子之病者獨宜世之君子博見彊識承閒  
語事變度易意常無離側以爲羽翼淹沈之樂浩盪  
之心遁佚之志其奚由至哉 又見上 劉向九歎  
播規槲以背度兮 錯權衡而任意操繩墨而放棄兮  
傾容幸而侍側 吳越春秋見福字下 史記張釋  
之傳居北臨廁包愷音側

疑

魚力切

平聲則音疑 說文疑从山疑聲 今此字兩收於  
七之二十四職部中

疑

上聲則音擬 詩黍稷疑疑音魚起反徐音魚力反  
說文疑从艸疑聲 今此字兩收於六止二十四

職部中

卷十九

疑

去聲則魚忌反 張詠曰說文引詩克岐克疑今作  
疑後人因岐所改也 今此字兩收於七志二十四  
職部中

疑

平聲則音疑 楚辭招魂見平聲牛字下 今此字  
兩收於七之二十四職部中  
詩靡所止疑疑音魚陟反今廣韻不收

疑



去聲則五溉反 今此字兩收於十九代二十四職部中

塗

秦力切

平聲則音茨 說文塗从土次聲 今此字兩收於六脂二十四職部中 此韻轉去聲則入寘至志韻

二十五德

德

多則切

去聲則多隊反 孟子見直字下 史記秦始皇紀見式字下 素問見式字下 淮南子覽冥訓見服字下 易林大畜之豫道理和德仁不相賊君子往之樂有其利 頤之恒毛生毫背國樂民富侯王有

德 漢書叙傳薄姬碌魏宗文產德實后違意孝盤  
于代王氏仄微世武作嗣 洛書甄曜度識赤三德  
昌九世會備合帝際 魏武帝短歌行周西伯昌懷  
此聖德三分天下而有其二修奉貢獻臣節不墜崇  
侯讒之是以拘繫 德惠二字廣韻註溷

得

平聲則多雷反 太玄經遇次三不往來不求得  
去聲同上 易震象傳震索索中未得也雖凶无咎  
畏鄰戒也 孟子見直字下 楚辭九章惜往日何  
芳艸之早夭兮微霜降而下戒諒不聰明而蔽壅兮  
使讒諛而日得自前世之嫉賢兮謂蕙若其不可佩  
孫子九地篇是故其兵不修而戒不求而得 素  
問見伏字下 文子自然篇天地之道無爲而備無  
求而得 易林比之臨鼎之坤竝見下 頤之夬見

織字下 夫之鼎心無可據射鹿不得多言少實語  
無成事 漢郎中鄭固碑辭見下 張弼曰說文得  
行有所得也與尋失字不同廣韻不濶

則 子德切

去聲則子隊反 呂氏春秋見翼字下 史記秦始皇紀見式字下 素問見式字下 淮南子要略見福字下 說文廁从广則聲

忒 他德切

去聲則他代反 詩瞻仰見織字下 閼宮三章春秋匪懈享祀不忒皇皇后帝皇祖后稷 說文忒从心弋聲又作忒从心代聲 亦作貸禮記月令宿離不貸無或差貸母有差貸皆忒字 易四時不忒京

氏作貸 管子四稱篇四時不貸弟子職篇其儀不貸皆忒字

慝

同上 詩瞻卬見織字下 釋名慝態也有姦態也 慝卽忒俗改字

貸

同上 按周禮泉府凡民之貸者貸音特註貸民之物貸音吐代反史記貨殖傳齋貸子錢索隱曰貸音吐得反唯無鹽氏出捐千金貸索隱曰貸音吐代反晉書王長文傳蜀土荒饑開倉振貸長文居貧貸多音義云上貸他代反下貸徒得反是以乞貸之貸爲入聲出貸與人之貸爲去聲猶乞字之分去入二聲也然左傳文十四年盡其家貸於公有司以繼之貸音侍又音忒莊子將貸子三百金貸音特韓非子揚

權篇故曰毋富人而貸焉毋貴人而逼焉毋專信一人而失其都國焉作入聲易林比之臨府藏之富王以賑貸捕魚河海笱網多得作入聲鼎之坤卻叔賈貸行祿多悔利無所得作去聲則亦不可以一概論矣今此字兩收於十九代二十五德部中去聲註借也施也假也入聲註從人求物也唐李商隱太倉箴借借貸貸此門先塞須防蒼蠅變白作黑此用入聲字

刻

苦得切

平聲則苦陔反論衡引書我舊云刻子作孩子上聲則音款釋名款刻也氣奔至出入不平調若

刻物也

去聲則苦代反太玄經玄瑩植表施景榆漏率刻昏明考中作者以戒說文刻从刀亥聲或音契爾雅註今江東呼刻斷物爲契斷左傳定九年盡借

邑人之車契其軸註契刻也 後漢書張衡傳斯契船而求劔註契猶刻也 呂氏春秋曰楚人有涉江者其劔自舟中墜於水遽契其舟 釋名契刻也刻識其數也

克

平聲則音悝 史記平準書魏用李克盡地力貨殖傳李克務盡地力索隱曰索漢書食貨志及劉向別錄皆作李悝孟子列傳魏有李悝盡地力之教是史記一書而或作克或作悝以音之轉而異也 去聲同上 詩小宛見去聲富字下 桑柔見力字下 管子四稱篇動作則事居國則富處軍則克臨難據事雖死不悔 六韜見下

特

徒得切

去聲則音代 詩我行其野見蒿字下 漢郎中鄭  
固碑辭貢計王庭華夏歸服帝用嘉之顯拜殊特將  
從雅意色斯自得乃遭氛災隕命顛沛 說文特从  
牛寺聲

螻

上聲則音待 詩大田二章去其螟螻及其蠹賊無  
害我田穰田祖有神秉畀炎火

黑、呼北切

上聲則呼每反 詩大田四章曾孫來止以其婦子  
饁彼南畝田畯至喜來方禋祀以其騂黑與其黍稷  
以享以祀以介景福 釋名黑晦也如晦冥時色也  
張昭曰說文災火所熏色从炎上出田俗譌作黑  
本形遂晦矣

墨 莫北切

平聲則音梅 列子墨辰音迷 今山東萊州人呼  
卽墨爲濟迷 本艸李時珍曰石炭上古以書字謂  
之石墨今俗呼爲煤炭煤墨音相近也 說文本作  
墨从巛从土  
上聲則音每 釋名墨瘳也俗物瘳墨也

默

去聲則音昧 莊子見極字下 六韜軍勢篇事莫  
大於必克用莫大於玄默動莫大於不意謀莫大於  
不識

賊 昨則切



上聲則昨来反 詩大田見上

去聲則昨類反

素問寶命全形論余念其痛心爲

之亂惑反甚其病不可更代百姓聞之以爲殘賊  
易林同人之損梅李冬實國多寇賊亂擾竝作王不  
能制

塞

蘇則切

去聲則蘇代反

詩常武六章王猶允塞徐方旣來

荀子賦篇此夫大而不塞者與克盈太宇而不窕  
入却穴而不隔者與行遠疾速而不可託訊者與往  
來惛憊而不可爲固塞者與暴至殺傷而不憶忌者  
與功被天下而不私置者與訊與諄同 太玄經盛  
陽氣隆盛充塞物寔然盡滿厥意 難測難無間中  
密塞也大車川川上下輶也 漢蘇順孝和皇帝誅  
自咎何爲欽明允塞恭惟大行天覆地載無爲而治

欽定四庫全書

唐韻正

五十六

冠斯往代 今此字兩收於十九代二十五德部中  
此韻轉去聲則入隊代廢韻

跽

蒲北切

去聲則蒲故反 今此字兩收於五十候二十五德部中

跽

同上 管子七臣七主篇故設用無度國家路 呂氏春秋行論篇將欲跽之必高舉之 漢蔡邕釋誨  
閭謙盈之效迷損益之數駢驚駘於修路慕騏驎而  
增驅卑俯乎外戚之門乞助乎近貴之譽榮顯未副  
從而顛跽 左傳襄十一年跽其國家路蒲北反徐  
音數豆反 十四年與晉跽之跽蒲北反又蒲豆反  
反 漢書刑法志凡殺人者跽詣市師古曰跽音防付  
莊子赴水則接掖持頤司馬本作跽 申徒狄

目以踞河徐音方附反 今此字兩收於五十候二  
十五德部中

什

去聲則音赴 漢陸賈新語輔政篇夫居高者自處  
不可以不安復危者任杖不可以不固自處不安則  
墜任杖不固則什 司馬相如上林賦彎蕃弱滿白  
羽射游梟輾蜚遽擇肉而後發先中而命處弦矢分  
藝殪什 書盤庚傳如顛什之木什音赴又步北反  
詩賓之初筵箋無使顛什什音赴一音蒲北反  
蕩傳顛什什蒲北反又音赴 周禮司常註民至什  
之什蒲北反又音赴 禮記檀弓註斂什也什蒲北  
反又音赴 表記註同 左傳成二年註右被射什  
車中什音赴又蒲北反 昭十三年註僨什也什音  
赴又蒲北反 定八年註斃什也什音赴又蒲北反  
史記倉公傳卽什於厠索隱曰什音赴又音步北

欽定四庫全書

唐韻正

五

反 宋庠國語補音古踣什二字互爲讀踣或音防付  
反什或音蒲北反 今此字三收於十遇五十候二  
十五德部中  
以上三字當改入陌韻轉去聲則入御遇暮韻

唐韻正卷十九

欽定四庫全書

唐韻正卷二十

崑山顧炎武撰

入聲

二十六緝

十  
是執切

此字在古雖無轉聲者然宋陸游老學菴筆記謂轉  
平聲可讀爲謀引白樂天詩綠浪東西南北路紅欄  
三百九十橋宋文安公宮詞三十六所春宮館一一  
香風送管絃鼉以道詩煩君一日殷勤意示我十年  
感遇詩則知轉音之法唐人固有用之者矣又按  
白居易新昌新居書事詩梵部經十二玄書字五千

到郡齋走筆詩版圖十萬戶兵籍五千人務觀未引  
平聲音如林反

什

同上 史記張儀博塞什谷之口徐廣云什一作尋  
成皋鞏縣有尋口尋什聲近故其名異

汁  
之入切

平聲則音斟 方言斟協汁也北燕朝鮮洌水之間  
曰斟自關而東曰協關西曰汁

湑  
去急切

平聲則去今反 說文湑从水音聲

翕  
許及切

平聲則許含反 詩常棣七章妻子好合如鼓瑟琴  
兄弟既翕和樂且湛

關

同上 後漢輿服志鳳皇關戰薛綜曰關之言函也

邑

於汲切

平聲則於含反 詩小戎二章騏驎是中駟驪是騶  
龍盾之合蓋以輶輶言念君子溫其在邑方何爲期  
胡然我念之

斟

昌計切

平聲則職淡反 今此字兩收於二十一侵二十六  
緝部中

此韻轉去聲則入沁韻

二十七合

合

侯閣切

平聲則音含 詩小戎見邑字下 常棣見翕字下  
釋名含合也 合口停之也 說文龕从龍合聲

頷

古沓切

上聲則音頷 今此字兩收於四十八感二十七合  
部中

磻

徒合切

上聲則徒感反 玉篇磻徒苔徒感二切



躐

祖合切

平聲則祖含反

鄮

同上 今此二字竝兩收於二十二覃二十七合部

噤

子荅切

上聲則七感反 說文噤从口替聲 今此字兩收於四十八感二十七合部中

𦍋

平聲則作舍反 今此字兩收於二十二覃二十七合部中

𡇗 奴荅切

去聲則奴紺反  
二十七合部中

今此字三收於五十三勘十五鎔

𡇗

平聲則奴含反

詩小戎見邑字下

𡇗

烏合切

上聲則烏感反  
於四十八感二十七合部中

說文𡇗从𡇗音聲

今此字兩收

𡇗

上聲則音掩  
五十琰二十七合三十三業部中

說文𡇗从𡇗奄聲

今此字三收於

鞞

同上 說文鞞从革奄聲

嬖

平聲則烏含反 說文嬖从女弁聲 今此字兩收於二十二覃二十七合部中

庵

同上 今此字兩收於二十二覃二十七合部中

趲

七合切

平聲則音參

嫪

同上 說文嫪从女參聲 今此二字並兩收於二十章二十七合部中

二十八盍

盍

胡臘切

去聲則胡紺反 說文盍从豐盍聲

盍

吐盍切

去聲則他紺反 今此字兩收於五十三勑二十八

盍

五盍切

去聲則五紺反 今此字三收於五十三勘二十七  
合二十八益部中

盦

安盦切

平聲則烏含反 今此字兩收於二十二覃二十八  
益部中

此二韻轉去聲則入勘闕韻

二十九葉

寔

疾葉切

上聲則子感反 今此字兩收於四十八感二十九  
葉部中 又按易豫九四明益簪陸希聲本簪作捷

詰

叱涉切

平聲則丁兼反

去聲則佇陷反

今此字四收於二十五添二十六咸五十八陷二十九葉部中

姑

平聲則音占

說文姑从女占聲或讀若占 今此字兩收於二十四鹽二十九葉部中

魘

於葉切

上聲則於琰反  
部中

今此字兩收於五十琰二十九葉

壓

平聲則一鹽反  
去聲則於豔反

今此字三收於二十四鹽五十五

豔二十九葉部中

摩

上聲則於琰反 莊子壓其顙本亦作摩乃協反郭  
於琰反 今此字兩收於五十琰二十九葉部中

厭

平聲則一鹽反  
上聲則於琰反

去聲則於豔反 按四聲轉用無若此字之最明者  
如詩湛露厭厭夜飲之厭則平聲也禮記大學見君  
子而後厭然之厭則上聲也論語學而不厭之厭則  
去聲也詩厭浥行露儀禮鄉飲酒禮賓厭介入門左  
禮記曲禮厭冠不入公門檀弓以而不弔者三畏厭  
溺之厭則入聲也今此字四收於二十四鹽五十琰

五十五豔二十九葉部中周禮大司徒註不厭服  
 於十二教厭音於涉反或於驗反左傳僖十五年  
 註踐厭也厭於冉反一音於甲反昭二十六年將  
 以厭衆厭於冉反又於葉反莊子其厭也如絨厭  
 於葉反徐於冉反不厭其天李於豔反徐於瞻反  
 好之不厭厭於鹽反又於豔反上下見厭而強  
 見也厭於豔反徐於瞻反史記高祖紀於是因東  
 游以厭之索隱曰厭音一涉反又一冉反漢繁陽  
 令楊君碑克厭帝心作克壓張昭曰按說文獸飽  
 也爲獸足意廣韻收豔部加尸作厭竿也卽厓潰厭  
 服意加土作壓壞也塞補也俗書將獸廢閣以厭通  
 借四聲又以壓混爲潰厭矣又按禮記郊特牲血  
 腥燂祭腥肆燂臠祭註竝云燂或爲臠臠直輒反今  
 廣韻臠字不收

## 三十帖



帖

他協切

上聲則丁簞反  
玉篇又丁簞反

公羊僖四年傳卒帖荊帖他協反

帖

平聲則音添  
說文帖从巾占聲

帖

同上  
說文帖从革占聲

貼

同上  
說文貼从貝占聲

欽定四庫全書

卷二十

慝 苦協切

上聲則苦簞反 漢書孝文紀天下人民未有慝志  
史記作慝

慝 徒協切

平聲則處占反 今此字兩收於二十四鹽三十帖  
部中

塾

去聲則都念反 書益稷下民昏塾左傳成六年民  
慝則塾隘襄二十五年久將塾隘孟子王子塾問曰  
莊子厠足而塾之致黃泉漢書段會宗傳即留所發  
兵塾婁地王莽傳武功中水鄉民三舍塾為池塾竝  
音丁念反惟地理志塾江孟康曰音重疊之疊 今  
此字兩收於五十六禡三十帖部中

唵

奴協切

去聲則都念反 今此字兩收於五十六禱三十帖部中

敔

同上 說文敔从攴念聲

𦓐

丁愜切

平聲則丁兼反 今此字兩收於二十五添部註云又丁頰切今此韻不收亦作𦓐見二十五添部註云又丁頰切今此韻不收

挾

呼牒切

上聲則音險 今此字兩收於五十琰三十帖部中 按史記魏其武安傳沾沾自喜耳徐廣曰沾音昌

兼反又當膝反今沾字在平聲二十四鹽二十五添  
去聲五十六添部而此韻不收  
此二韻轉去聲則入豔添韻

三十一洽

𪔐  
𪔐 苦洽切

平聲則苦咸反  
說文𪔐从齒咸聲

𪔐

同上  
說文𪔐从目咸聲

三十二狎

鴨

烏甲切

平聲則烏兼反

玉篇鴨古文作鵒

讖

呼甲切

去聲則下闕反 說文讖从言敢聲 今此字兩收  
於五十四闕三十二狎部中

三十三業

脅

虛業切

上聲則音險 呂氏春秋門中有斂陷註斂讀曰脅

臃

於業切

平聲則於嚴反 說文腌从肉奄聲 今此字三收  
於二十八嚴二十九業三十三葉部中 亦作淹禮  
記少儀註以醢與葷菜淹之淹音於廉反又於劫反  
又按嫌字有二音禮記坊記貴不嫌於上音口簞反  
莊子天運篇彼必斲齧挽裂盡去而後嫌音苦牒反  
今廣韻但收於五十一忝部中 大學此之謂自謙  
謙讀爲嫌嫌之言厭也徐苦簞反

三十四乏

泛 房法切

去聲則孚梵反 今此字兩收於六十梵三十四乏  
部中  
此四韻轉去聲則入陷鑑梵韻



唐韻正卷二十